

後漢書卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

卷十四

後漢書卷四十四

宋蓋條宣

城計共太

守范曄撰

唐章

懷會共太

子賢注

宗室四王三侯列傳第四

齊武王縯傳

子北海靜王興

齊武王縯字伯升

縯引也音衍

光武之長兄也性剛毅慷慨

有大節自王莽篡漢常憤憤懷復社稷之慮不事家人

居業傾身破產交結天下雄俊莽末盜賊羣起南方尤

甚伯升召諸豪傑計議曰王莽暴虐百姓分崩今枯旱

連年兵革並起

東觀記曰王莽末年天下大旱蝗蟲蔽天盜賊羣起

此亦天

亡之時復高祖之業定萬世之秋也眾皆然之於是分

遣親客使鄧晨起新野光武與李通李軼起於宛伯升

白發春陵子弟合七八千人部署賓客自稱柱天都部

柱天者若天之柱也使宗室劉嘉往誘新市平林兵王

匡陳牧等合軍而進屠長聚及唐子鄉殺湖陽尉進拔

棘陽因欲攻宛至小長安與王莽前隊大夫甄阜屬正

梁邱賜戰時天密霧漢軍大敗姊元弟仲皆遇害宗從

死者數十人伯升復收會兵眾還保棘陽阜賜乘勝留

輜重於藍鄉比陽縣有藍鄉引精兵十萬南渡潢淠水酈元注

諸水二湖流注合為黃水又南經棘陽縣之黃淠聚又

謂之黃淠水在今唐州湖陽縣蕭該音淠作諄者誤

劉攽曰漢字據
注唯當作黃

臨泚水阻兩川間爲營絕後橋示無還

心新市平林見漢兵數敗阜賜軍大至各欲解去伯升
甚患之會下江兵五千餘人至宜秋

宜秋聚名在泚陽縣

乃往爲

說合從之執下江從之語在王常傳伯升於是大饗軍

上設盟約休卒三日分爲六部潛師夜起襲取藍鄉盡

獲其輜重明旦漢軍自西南攻甄阜下江兵自東南攻

梁邱賜至食時賜陳潰阜軍望見散走漢兵急追之却

迫潢水斬首溺死者二萬餘人遂斬阜賜王莽納言

將軍嚴尤秩宗將軍陳茂聞阜賜軍敗引欲據宛伯升

乃陳兵誓眾焚積聚破釜甌鼓行而前

破釜甌示必死也鼓行而前言

無所畏也史記曰項羽北救趙渡河沈船破釜甌與尤茂遇育陽下戰大破之

斬首三千餘級尤茂棄軍走伯升遂進圍宛自號柱天

大將軍王莽素聞其名大震懼購伯升邑五萬戶黃金

十萬斤位上公使長安中官署及天下鄉亭皆畫伯升

像於塾旦起射之蕭該音義亦作塾引字林塾門側堂也東觀記續漢書並作塾案說文云

射臬也廣雅塾的也自阜賜死後百姓日有降者眾至十

餘萬諸將會議立劉氏以從人望豪傑咸歸於伯升而

新市平林將帥樂放縱憚伯升威明而貪聖公懦弱先

共定策立之然後使騎召伯升示其議伯升曰諸將軍

幸欲尊立宗室其德甚厚然愚鄙之見竊有未同今赤

眉起青徐眾數十萬聞南陽立宗室恐赤眉復有所立
如此必將內爭今王莽未滅而宗室相攻是疑天下而
自損權非所以破莽也且首兵唱號鮮有能遂陳勝項

籍卽其事也春陵去宛三百里耳未足爲功遽自尊立

爲天下準的使後人得承吾敝

前書宋義曰戰勝則兵疲我承其敝

非計

之善者也今且稱王以號令若赤眉所立者賢相率而

往從之若無所立破莽降赤眉然後舉尊號亦未晚也

願各詳思之諸將多曰善將軍張卬拔劍擊地曰疑事

無功

史記曰趙武靈王欲被胡服肥義曰疑事無功疑行無名

今日之議不得有二

眾皆從之聖公旣卽位拜伯升爲大司徒封漢信侯由

是豪傑失望多不服平林後部攻新野不能下新野宰

登城言曰

王莽改命長爲宰東觀記曰其宰潘臨也

得司徒劉公不信願先

下及伯升軍至卽開城門降五月伯升拔宛六月光武

破王尋王邑自是兄弟威名益甚更始君臣不自安遂

共謀誅伯升乃大會諸將以成其計更始取伯升寶劍

視之繡衣御史申屠建隨獻玉玦

繡衣御史武帝置衣繡者尊寵之也玦決

也令早決斷

更始竟不能發及罷會伯升舅樊宏謂伯升曰

昔鴻門之會范增舉玦以示項羽

史記曰項王留沛公飲項伯東向坐范增

南向坐沛公北向坐范者三項王默然不應鴻

增數目項王舉所佩玉玦門地名在新豐東七十里今建

此意得無不善乎伯升笑而不應初李軼諂事更始貴

將

貴將朱鮪等也

光武深疑之

常以戒伯升曰此人不可復信

又不受伯升部將宗人

劉稷數陷陳潰圍勇冠三軍時

將兵擊魯陽

魯陽縣屬汝州魯山

南郡今縣也

聞更始立怒曰本起兵

圖大事者伯升兄弟也

今更始何爲者邪更始君臣聞

而心忌之以稷爲抗威

將軍稷不肯拜更始乃與諸將

陳兵數千人先收稷將

誅之伯升固爭李軼朱鮪因勸

更始并執伯升即日害

之有二子建武二年立長子章

爲太原王興爲魯王十

一年徙章爲齊王十五年追謚

伯升爲齊武王章少孤

光武感伯升功業不就撫育恩

愛甚篤以其少貴欲令

親吏事故使試守平陰令

試守者稱

職滿歲為真平陰縣屬河南郡應劭云在平津南故曰

平陰魏文帝改為河陰故城在今洛陽縣東北遷梁郡今宋太守立二十一年薨諡曰

哀王子殤王石嗣石立劉攽曰案殤者不成人之名今王

字建武二十七年石始就國三十年封石弟張為下博

侯永平十四年封石二子為鄉侯石立三十四年薨子

晃嗣下博侯張以善論議十六年與奉車都尉竇固等

續漢志奉車都尉比二千石無員掌御乘輿車並出擊匈奴後進者多害其能

數被譖訴建初中卒肅宗下詔褒揚之復封張子它人

奉其祀晃及弟利侯剛與母太姬宗更相誣告章和元

年有司奏請免晃剛爵為庶人徙丹陽丹陽故郡城在今潤州江甯縣

東帝不忍下詔曰朕聞人君正屏有所不聽白虎通曰

何以自障也示不極臣下之敬也天子德大故外屏諸侯德小故內屏宗尊為小君諸侯

稱曰宮衛周備出有輜輶之飾輜輶有擁蔽之車也列女傳曰齊孝公華孟姬

謂公曰妾聞妃后踰闕必乘安車輜輶下堂必從傳母保阿進退則鳴玉珮內飾則結綢繆所以正心一意自

儉制八有牖戶之固殆不至如諧者之言何休注公羊傳曰如其事

日訴加誣焉曰諧晃剛愎乎至行濁乎大倫濁猶汙也倫理也孔子曰欲潔其身

而亂大倫甫刑三千莫大不孝朕不忍置之于理其貶晃爵

為蕪湖侯蕪湖解見章紀削剛戶三千於戲小子不勗大道控

於法理以墮宗緒控引也墮毀也其遣謁者收晃及太姬璽綬

晃立十七年而降爵晃卒子無忌嗣帝以伯升創大業

而後嗣罪廢心常愍之時北海亦絕無後及崩遣詔復
二國永元二年乃復封無忌為齊王是為惠王立五十
二年薨子頃王喜嗣立五年薨子承嗣建安十六年國
除

論曰大丈夫之鼓動拔起其志致蓋遠矣若夫齊武王

之破家厚士豈游俠下客之為哉

下客謂毛遂馮煖之徒也

其慮將

存乎配天之絕業而痛明堂之不祀也

王者以遠祖配天以父配上帝

於明堂將以存其絕業復其祭祀

及其發舉大謀在倉卒擾攘之中使

信先成於敵人

新野宰潘臨云請劉公一信而降

赦岑彭以顯義

初彭守宛

食盡降漢諸將欲誅之伯升曰今舉大事當表義士不如封之以勸其後更始封彭為歸德侯若此足

以見其度矣志高慮遠禍發所忽

謂不用樊宏光武之言忽輕也司馬相如

曰禍故多藏於隱微而發於人之所忽也

嗚呼古人以蜂蠆為戒

蠆蝎也左傳臧文仲

謂魯君曰君其無謂邾小蜂蠆有毒而况國乎

蓋謂此也詩云敬之敬之命不

易哉

詩周頌也

北海靖王興建武二年封為魯王嗣光武兄仲初南頓

君娶同郡樊重女字嫺都

嫺胡問反說文嫺雅也

嫺都性婉順自

為童女不正容服不出於房宗族敬焉生三男三女長

男伯升次仲次光武長女黃次元次伯姬皇妣以初起

兵時病卒宗人樊巨公收斂焉建武二年封黃為湖陽

長公主伯姬為甯平長公主元與仲俱歿於小長安追

卷之四十四 列傳

爵元為新野長公主十五年追諡仲為魯哀王興其歲

試守緱氏令為人明略善聽訟甚得名稱遷宏農太

守亦有善政

續漢書曰宏農縣吏張申有伏罪興收申案論郡中震慄時年旱分遣文學循行屬

縣理冤獄宥小過應時甘雨降澍

視事四年上疏乞骸骨徵還京師奉

朝請二十七年始就國明年以魯國益東海

續漢書曰二郡二十

九縣租入倍諸王也

故徙興為北海王三十年封興子復為臨邑

侯

臨邑縣屬東海故城在今濟州東亦名馬坊城也

中元二年又封興二子為

縣侯顯宗器重興每有異政輒乘驛問焉立三十九年

薨子敬王睦嗣睦少好學博通書傳光武愛之數被延

納顯宗之在東宮尤見幸待入侍諷誦出則執轡

乘輿尊者

居中執轡在左中興初禁網尙闊而睦性謙恭好士千里交結

自名儒宿德莫不造門由是聲價益廣永平初法憲頗

峻睦乃謝絕賓客放心音樂然性好讀書常爲愛翫歲

終遣中大夫奉璧朝賀

中大夫王國官也續漢志曰中大夫比六百石無員掌奉玉使

京都奉璧賀

正月及使諸國本皆持節

後去節爾雅曰肉倍好謂之璧好孔也

廷設問寡人

朝廷謂天子也

大夫將何辭以對使者曰大王忠

孝慈仁敬賢樂士臣雖螻蟻敢不以實睦曰吁子危我

哉

吁音于孔安國注尚書曰吁者疑怪之聲也

此乃孤幼時進趣之行也

東觀

記續漢書並云是吾幼時狂慙之行也

大夫其對以孤襲爵以來志意衰

惰聲色是娛犬馬是好使者受命而行其能屈申若此

初靖王薨悉推財產與諸弟雖王車服珍寶非列侯制
皆以爲分然後隨以金帛贖之睦能屬文作春秋旨義
終始論及賦頌數十篇又善史書當世以爲楷則及寢
病帝驛馬令作草書尺牘十首

說文云牘書版也蓋立
長一尺因取名焉

立

十年薨子哀王基嗣永平十八年封基二弟爲縣侯二
弟爲鄉侯建初二年又封基弟毅爲平望侯基立十四
年薨無子肅宗憐之不除其國永元二年和帝封睦庶
子斟鄉侯威爲北海王奉睦後立七年威以非睦子又
坐誹謗檻車徵詣廷尉道自殺永初元年鄧太后復封
睦孫壽光侯普爲北海王是爲頃王延光二年復封睦

少子爲亭侯 普立七年薨子恭王翼嗣立十四年薨子
康王嗣無後 建安十一年國除初臨邑侯復好學能文
章永平中每有講學事輒令復典掌焉與班固賈逵共
述漢史傳毅等皆宗事之復子駒駖及從兄平望侯毅
並有才學永甯中鄧太后召毅及駒駖入東觀與謁者
僕射劉珍與平望侯毅並在文苑傳著中興以下名臣列士傳駒駖
又自造賦頌書論凡四篇

趙孝王良傳

趙孝王良字次伯光武之叔父也平帝時舉孝廉爲蕭
令光武兄弟少孤良撫循甚篤及光武起兵以事告良

大怒

東觀記曰光武初起兵良搏手大呼曰我欲詣納言嚴將軍叱上起去出閣令人視之還白方坐略

脯良復謹呼上言不可謹露明且欲去前自良曰欲竟何時詣嚴將軍所良意下曰我為詐汝耳當復何苦乎

曰汝與伯升志操不同今家欲危亡而反共謀如是既

而不得已從軍至小長安漢兵大敗良妻及二子皆被

害

續漢書曰阜賜移書於良曰老子不更始立以良為率宗族羣綺騎牛哭且行何足賴哉

國三老從入關更始敗良聞光武即位乃亡奔洛陽建

武二年封良為廣陽王五年徙為趙王始就國十三年

降為趙公頻歲來朝十七年薨于京師凡立十六年子

節王栩嗣

栩音况羽反

建武三十年封栩二子為鄉侯建初

二年復封栩十子為亭侯栩立四十年薨子頃王商嗣